

Sebastian Franck – Sämtliche Werke
Band 5,1

Berliner Ausgaben

Koordinator:
Hans-Gert Roloff

frommann-holzboog

Sebastian Franck

Sämtliche Werke

Band 5,1: Text
Paradoxa

Herausgegeben von
Hans-Gert Roloff

Stuttgart-Bad Cannstatt 2024

Bibliografische Information der Deutschen Nationalbibliothek

Die Deutsche Nationalbibliothek verzeichnet diese Publikation in der
Deutschen Nationalbibliografie; detaillierte bibliografische
Daten sind im Internet über <http://dnb.dnb.de> abrufbar.

ISBN 978-3-7728-2405-0
eISBN 978-3-7728-3538-4

© frommann-holzboog Verlag e.K. · Eckhart Holzboog

Stuttgart-Bad Cannstatt 2024

www.frommann-holzboog.de

Satz: Rhema – Tim Doherty, Münster

Gesamtherstellung: Memminger MedienCentrum

Gedruckt auf säurefreiem und alterungsbeständigem Papier

Paradoxa

1534

Prae*ludicen*
ta octoginta das ist / CC
LXXX. Wundered vnd gleich-
sam Råterschafft/aus der h. Schrifft/so vor allem
fleysch vngleublich vnd vnwar sind/doch wider der
ganzen Welt wohn vñ achtung/ gewiß vnd waar.
Item aller in Got Philosophierenden Christē/rech-
te/Götliche Philosophie/vñ Teutsche Theologie/
voller verbogener Wundered vnd gehaimnusß/den ver-
standt/allerlay frag/vnd gemaine stell der Haili-
gen Schrifft/betreffende/Auchzur scherpfung
des vrtails/überaus dienstlich/entdeckt/
aufgeführt/vnd an den tag ge-/
ben/Durch Sebastianū
Francken / vonn
Wörd.



Istiemandt Gaystlich/der vrtail was ich sag.Den Geist
lescht nit auf/die Prophecei veracht nit/Brüffet aber al-
les /vnd was güt ist/das behalt.1.Cor ,14. 1.Theffal.s,

PARADOXA DUCEN

ta octoginta / das ist / CC

LXXX. Wunderred vnd gleich=

sam Råterschafft / auß der H. Schrifft / so vor allem
fleysch vngleublich vnd vnwar sind / doch wider der
gantzen Welt wohn vnd achtung / gewiß vnd waar.
Item aller in Got Philosophierenden Christen / rech
te / Götliche Philosophei / vnd Teütsche Theologe/
voller verbogener Wunderred vnd gehaimnuß / den ver=
standt / allerlay frag / vnd gemaine stell der Haili=
gen Schrifft / betreffende / Auch zur scherpffung
des vrtails / überauß dienstlich / entdeckt /
außgefűrt / vnd an den tag ge=
ben / Durch Sebastianum
Francken / vonn
Wörd.

Ist iemandt Gaystlich / der vrtail was ich sag. Den Geist
lescht nit auß / die Prophecei veracht nit / Brüfft aber al=
les / vnd was güt ist / das behalt. 1.Cor .14 .1.Thessal .5.

Sebastian Franck dem Christlicheu Leser/ augen/ ohrn/
vnnd hertz/ des inneren Menschen/ zü hören/ sehen/ vnd
begreiffen/ die gehaymen Wunderred Gottes.

EUANGELIUM VERBUM DEI, PARADOXUM
MERUM & PERPETUUM.

s Das Euangelium ist ain ewig/ lautter Wunderred.

SCRIPTURA LIBER .7. SIGNACULIS CLAUSUS,
OBSIGNATUMQUE AENIGMA.

Die Schrifft ist ain verschlossen Buch mit .7. Siegil.

10 LITERA SCRIPTURAE ANTICHRISTI GLADIUS,
OCCIDIT CHRISTUM.

Der Büchstab der Schrifft des Antichrists
schwerdt/ tödt Christum.

15 SCRIPTURA SINE LUCE, UITA, & INTERPRETE SPIRITUS,
OBSCURA LUCERNA, & OCCIDENS LITERA.

Die Schrifft ist on das Liecht/ Leben/ vnd außlegung
des Gaists/ ain todter Büchstab vnd finster Latern.

HAERESES, & SECTAE EX SECTA LITERA SCRIPTURAE.
Ketzerei vnd Secten auß dem büchstaben der schrifft.

- 20 PAradoxon/ lieben Freünd vnd Brüder/ heißt bei den Griechen ain
Red/ die gleichwol gewiß vnd waar ist/ die aber die gantze Welt/
vnd was nach dem Menschenn lebt/ nichts weniger dann fur waar
hält/ als das allain die Weysen vnd frummen reich sindt. Das ain
Christ nit kan sünden vnd sterben. Item das gottes gebot leicht/
25 vnnd zü halten nit schwer sindt. Das creutz glück sei/ vnd der todt
der weg vnnd Port zum leben/ Ja die recht Artzenei wider den
todt. Das man sich im layd vnd trübsal sol rhümen/ des glücks vnd
benedeiung der menschen vnsälig duncken/ vnd schämen. etc.

Nu hab ich diß mein Philosophi Paradoxa intituliert/ vnd Pa-
30 radoxum ain Wunderred/ oder Wunderwort/ verteütscht/ Weil die

Theologei/ der recht sinn der Schrifft (so allain gottes Wort ist) <2r>
 nichts ist/ dann ain ewig Paradoxum/ wider allen wahn/ schein/
 glauben/ vnd achtung der gantzen welt/ gewiß vnd waar.

Dann es darff niemandt gedencken/ das das Euangelium Welt sei/
 oder das es die welt glaub/ also halt/ oder leiden mög. Es haben alle
 Botten diser thorechten/ onerhörten Wunderred/ darob müssen zu
 grundt gehen/ als Ketzer vnd Büben/ vnd das haben alweg die Wey-
 sesten vnd frümsten der Welt than/ vnd jnen ain guten/ gnädigen/
 flaischlichen gott fürdicht/ der nit so narrecht sei/ auch jn nit so
 feindt/ das er sollich ding beger/ das ainer sich selbs feinde vnd ab-
 tödte. Es müß der Teüffel sein/ der den leütten also übel wil/ vnd fur
 narren hålt/ vnd nit gott. Auß mit disem feindtsäligen got/ der den
 menschen so übel wil/ vnd jrem flaisch vnd blüt/ leib vnnd leben/
 so feindt ist/ das er das selbig hassen/ vnd sich sein selbs/ ain jeden
 verzeihen haißt/ es müß gewiß der Teüffel sein. Das aber sei der
 Almechtig/ güting/ gnädig got/ ain freund vnd lieber der menschen/
 der vns aller creutz abhilfft/ vnd nit auff legt/ der vns glück vnnd
 hail/ gelt/ eer/ güt/ lang leben/ schön weib/ kind/ etc/ schafft. Das
 ist nu im Neuen Testa. der Teüffel/ darumb helt jn die gantz welt
 fur jren gott vnd Fürsten/ wie jn dann die Schrifft der welt Für-
 sten vnd gott nent/ den sie liebt/ lobt/ vnd anbet/ in jrem hertzen.
 Jo .12.14.16. 2.Cor .4. Widerumb was der lebendig gott ist/ Nämlich
 ain gaist/ vnd derhalb seiner art nach/ wider das flaisch/ spricht
 sie/ es sei der Teuffel/ Wie an Christo Luce .11. Mat .12. Joan .8. wol
 schein ist. Darumb sagt die gantz welt in jrem hertzen/ wie Dauid
 Psalm .14. spricht/ vnd nit im mund (da sie vil von ainem gaistlichen
 leben von got saget/ nach dem wahn vnd dichtung jres hertzens) es
 sei kain got/ Darumb ist jr gott ain abgott/ der Teüffel/ vnd gedicht
 jres hertzens.

Daher kompt es/ das auch gots wort nit bei jr fahet. Item das sie
 die Schrifft (deren rechter sinn eittel wunderred sind) nit verstehet/
 dann sie lassen jn diß nit eingehen/ vnnd sindt vil anders gesint/ Ja
 stracks des widerspils. Darumb bleibt jn diß büch verschlossen mit
 sieben siegel/ schlossen/ vnd hindernussen/ die vorweck than wer-
 den/ vnd auffgehen müssen. Was die sieben siegel sindt/ ist itzt nit
 stat zu sagen. Das wiß aber gewiß/ das gott mit fleiß ain sondere
 spraach/ vnd in Parabolis mit den seinen redt/ das die gotlosen so
 daussen sind nit verstehen/ was er mit seinen Kindern redt/ oder
 wil/ Wie Christus deutlich sagt/ das er darumb verdeckt in Parabo-

- lis/ durch ain $\langle 2^v \rangle$ Allegorisch/ verwändte red/ wie Pythagoras mit seinen Jungern/ mit jn redt/ das sein gehaimnus vnder dem vmhang des Büchstabens verdeckt/ in der Schül blieb/ vor den gottlosen zü-deckt/ vnd allain sein Kinder vernemen/ Math .12. Joan .12. Nit das
 5 jn gott entgan/ sonder darumb das er waiß/ das sie der Warhait nit vähig vnd wirdig sindt/ Ja das sie Såw vnnd Hund sind/ die nur mit füssen darauff treten. Derhalb hebt ers vor jn auff/ vnd verbirgt den gaist das gemüt Christi/ den verstandt der Schrifft (der allain gots wort ist) vnder ain verwendten/ allegorischen büchstaben/
 10 den niemandt sol verstehen vnd wissen/ dann den er disen außlegt/ vnd in der Schül Christi leret. Darumb bleibt die Schrifft ain ewig Allegori/ Wunderred/ Råterschafft/ verschlossen büch/ tödtender büchstab/ vnd ain onuerständigs Rottwelsch/ allen Gottlosen/ vnd sondere spraach/ der Kinder gotes. Darum ist der büchstab on das
 15 liecht des H. gaists ain finster Latern/ den Paulus den todt vnd für-hang nent. 2. Cor .3. welcher die Phariseer hindert/ das sie Mosi nit vnder die augen mochten sehen/ würt aber weg gezogen/ so wir vns zum Herrn bekeren/ Dann so wir seinen willen wöllen thün/ vnd vns ernst ist/ so legt er vns den selben aus/ Joan .7.
 20 So ist nu vnd bleibt das Alt Testament/ Gesatz/ Schrifft/ vnd Büchstab (so die Schrifft mit ainem abwechsel ains fur das ander nimpt) on das Liecht/ Leben/ Sinn/ vnd außlegung des H. gaists/ nichts dann ain tödtender Büchstab/ vnd nichts weniger/ dann gottes Wort (wie in ainem sondern Büchlein/ zü end an die Moriam Erasmi
 25 gehenckt/ gnügsam erwisen) sonder allain der selben verstandt/ nach dem sinn Christi (so allain die gottsaligen/ von gott gelert/ vnd dem H. gaist außgelegt/ wissen) ist das wesentlich Wort gottes. Darumb ist die Schrifft eben so wenig nach dem wesen des Büchstabens zü-uerstehen/ als nach den ongeregümpten Allegorien Origenis/ vnd an-
 30 derer. Sie hat gleichwol ain allegorischen sinn/ den aber allain der neü/ aus gott geborn mensch/ ain kindt gottes/ verstehet. Psalm .25. Die von der milch entwendt/ vnd von den brüsten abgelegt sindt. Esa .28. vnd die sich ab gottes Wort entsetzen/ Esaie .66. forchtsam vnd gelassen zü den füssen des Herrn sitzen/ vnd hören was er in jn
 35 red/ wie er den verdeckten/ todten büchstab außlege/ Deu .33. Lu .10. Vnd gott hat mit fleiß den büchstab der schrifft also mißhällig ge-stellt/ in die Feder angeben/ vnd dictiert/ vnd sein $\langle 3^r \rangle$ sinn mit dem Büchstaben züdeckt/ das wir nit daran vernügt/ ainen Abgot dar- auf machen/ den wir in allen spanen rathfrageten/ sonder das wir

jn darumb grüssen/ vnd gelassen den verstand suchen/ damit wir sein immerzü dörffen/ vnd er das schwerdt in der handt behalt/ vnd allain Maister vnd Lerer bleib/ vnd durch kain Creatur vns lere/ sālig mach/ erleucht oder in vnser hertz steig.

Der büchstab ain
vrsach aller
ketzerei vnd
abgötterei.

Was macht alle Ketzerei in der Schrifft/ dann das den ongereumten Büchstaben der Schrifft/ ainer da an sticht/ der ander dort fur sich nimpt/ vnd der ainhelligen außlegung vnd verstand des friedsgaisten niemandt acht/ sonder iederman fur sein Apollinem gott/ vnd gots wort acht/ so es doch nur ain kripp Christi/ der tod/ finsternus/ monstrantz/ arch/ schaid/ latern/ zeignuß/ schloß/ verschlossen büch/ etc. Gots wort aber/ der H. gaist/ das Liecht/ schlüssel/ schwerdt/ leben/ hailithum/ brot/ vnd Christus ist/ Ja kaum der vorhoff in das Hailithum. Derhalb ist nicht mer wider den sinn der Schrifft/ vnd nichts weniger gottes wort/ dann eben die Schrifft/ so man sie nach dem Büchstaben verstehet/ sie ist ain ewig Allegori. Es ist nit zusagen was thür man auffthüt aller ketzerei/ vnd täglich neuen Secten/ wie sichs erfindt. Item was vngereumpts vnd onfügs darauß folge/ so man die Schrifft nach dem todten büchstaben verstehet. Es möcht ainer schier Ouidium de arte Amandi/ so leicht verhedingen/ dann so man der Schrifft allenthalben nach dem büchstaben wolt nachkommen. Die hånd abhawen/ die äugen außstechen/ Christi flaisch essen/ vnd sein blüt trincken/ wider geborn werden/ den Tempel zurbrechen/ vnd in dreien tagen/ etc/ Tu es Petrus etc. Qui credit non moritur/ etc/ gewalt an sich selbs legen/ den rock vmb ain schwert geben/ drein schlagen/ wie der Prophet Hie. Vermaledeit der sein hånd vom blüt enthält. Item kain schüch tragen/ Niemandt grüssen vnd zusprechen auff dem weg/ Kain golt vnnd silber haben/ alle ding verlassen/ verkauffen/ sein seel vnd leben lassen/ zü narren vnd kindern werden/ so müsten wir nackend vnd onuerschampft in der Stat vmb lauffen/ auff die tisch hoffieren/ nit recht reden. Nicht arbaiten wie die vögel/ vnd blümen auff dem feld/ das vöglein lassen sorgen/ Das geben hundertfältig wider nemen. etc.

Exempel das der
büchstab tödt/
vnd nit der sinn
Christi sei.

Item man müßt aus Gott ain beweglichen wandelbarn Menschen machen. Kurtzumb/ mit dem büchstaben haben die Phariseer (so des selben volsteckten) Christum zü todt geschlagen/ weil er wider den (3^v) Büchstaben (aber nit wider den sinn) der Schrifft lert vnd lebt/ wider den Tempel/ gesatz/ beschneidung/ redt vnd thüt/ das Gesatz bricht/ Das creutz vnd todt ain segen/ Widerumb/ glück

vnglück haitßt/ wider die Schrifft Leuit .26. Deute .28. Wider das Exempel Loth/ Abrahams. Summa sein gantz Euangelium/ lauff/ vnd Testament/ ist wider das Alt im büchstaben/ Ja des selben auffhebung/ Also das sie jn mit dem büchstaben der Schrifft getödt haben/ wie noch heüt geschihet. O es hat vil ain andern verstand/ vnd ain gaistlich außrechnen/ das allain den Kindern gottes/ vnd recht gaistlichen erkant ist/ den andern sol es wol ewig verdeckt/ ain parabel/ wunderred/ råterschafft/ vnd verschlossen Büch bleiben.

- 5 Wir sehen wie die Phariseer mit dem Büchstaben sindt angefahren/ noch wöllen wir mit ander leüt schaden nit witzig werden/ noch verstehen/ das Paulus so dürr herruß sagt/ Der Büchstab tödt. Nu ist Schrifft/ Büchstab/ Gesatz/ vnd Alt Testament ains. Darumb ist es eben so vil gesagt/ Die Schrifft tödt/ vnnd die Schrifft predigen nach dem sinn vnd wesen des büchstabens/ sindt eitel Mosi/ vnd des Büchstabens diener/ so den tod predigen. 2.Corin .3. Der gaist aber macht lebendig/ Das versten alle Vätter fur den gaistlichen verstandt/ nit eben fur Origenis außlegung/ odder Augustini/ sonder fur den sinn Christi/ vnd verstandt des gaists/ der ain anders in dem eüssern ansehen vnd schelff hat/ vnd verwendet ain anders im gaist verstehet. Den büchstaben haissen sie/ den Grammatischen sinn/ vnd alles was on den gaist vnd gnad/ vom flaisch/ blüt/ weltweyßen/ etc/ in der Schrifft verstanden würt/ geredt/ oder gesagt mag werden. Die Schrifft tödt/ dann sie würt nimmer on den gaist recht verstanden/ Der gaist macht lebendig/ vnd legts in den seinen aus/
- 10 25 Vide August. lib. aduersus Pelagianos. Item supra Psal .70. gar schön/ vnd de Spiritu et litera/ durchaus. Der sinn Christi vnd des gaists/ der/ der allain ist gottes Wort/ vnd macht lebendig/ so er den büchstaben in vnseren hertzen lebendig macht/ aus vnd anlegt/ sonst ist er an jm selbs/ mit jm selbs nit allain widerwertig vnd vneins/ sonder
- 15 30 35 on disen Schülmaister/ fürer/ Lerer/ schlüssel/ außleger/ vnd Theiseischen faden/ der bitter tod/ verschlossen büch/ vnnd verwirter Laborinth. Mit dem Büchstaben haben von anfang/ biß her/ die Phariseer vnd Schriftweysen/ die Propheten/ Christum/ die Aposteln/ vnd alle glieder Christi lügen strafft/ vnd zu tod geschla⁴⁷gen. Darum ist vnd bleibt der Büchstab des Antichrists schwert/ vnd sitz/ darauff er sitzt/ vnd damit er wider die Hailigen sigt/ vnd sie zu tod schlegt/ Dann er hat den Büchstaben/ so hat Christus vnd die seine(n)/ den sinn der Schrifft/ vnd die recht außlegung der selben fur sich/ das wöllen sie dann nit hören/ sonder zureissen die

Der Büchstab tödt/ der Gaist macht lebendig auszgelegt.

Mord schray der
Phariseer wider
Christum.

klaider/ vnnd schreien/ Hie/ hie/ stehet gots wort lautter vnd clar/
der Tempel/ Beschneidung/ Sabbath/ Gesatz/ etc/ bleibt ewig/ Da
ist die Schrifft Gottes Wort/ etc. Der verkerer vnd Ketzer wil auß
seinem aigenthumb/ über zwerchßfeldt/ ain gloß darüber machen/
vnd mit ainer frembden außlegung/ vns ins rauchloch weisen/ auff
sein tråum vnd gaist/ Hie ist die Schrifft dürr vnd außdruckt/ von
ainem ewigen Bundt/ Tempel/ Sabbath/ Reich/ Gesatz Israelis/ etc.
Da ist die Schrifft Gottes Wort/ so sie doch dran liegen/ vnd die
Schrift nichts weniger ist/ dann Gottes Wort/ sonder derselben gaist/
verstandt/ vnd sinn/ nach der außlegung Christi/ vnd des gaists al-
lein des sich Paulus rhümpt. 1.Corin .2. Dagegen zeügt Christus/ das
die Schrifftgelerten/ die Schrifft nit verstehen/ noch jr krafft wissen/
Math .22. so sie die doch nach dem Büchstaben/ wie sie klingt vnd
laut verstanden/ vnd bei ainem nägelin schier aussen wißten.

Der Büchstab
schlägt Christum
vnd alle Christen
zù tod.

Nu diser sieg vnd sitz des Büchstabens/ sprich ich/ ist vnd würt
auff des Antichrists seitten bleiben/ biß zum end/ das sie mit dem
Büchstaben der Schrifft/ die Hailigen (so den sinn Christi/ vnd den
gaist der selben von Gott gelert/ für sich haben) zù tod geschlagen/
vnd also Christum/ mit dem Büchstabischen Christo tödten/ vnd die
schaid wider das schwert brauchen/ die latern wider das liecht. Also
muß Christus als ain verfürer/ falscher Prophet/ vnd außleger der
Schrifft/ vmb Gotes willen vmbkommen. Dann der eüsser sieg/ des
eüsserlichen Büchstabens/ müß auff des Antichristus seitten sein/
vnd bleiben/ vnd Christus mit der Warhait vnd sinn des gaists/ vor
der welt dahinden bleiben/ vnd an galgen. Dann es ist dem Thier
der sieg vnd macht geben/ wider die Hailigen zù streitten/ vnd sie
eüsserlich mit dem schwerdt der Schrifft/ Büchstabens/ vnd Tirannei
zù überwinden/ Apoca .13. Daniel .7. Christus hat den sinn der Schrifft
für sich/ Antichristus den büchstaben/ wie er klingt vnd laut/ damit
haut er als Christus/ im eiffer vnd namen Christi/ Christo vnd den
sein(en) das haubt ab. Darumb bleibt die Schrifft/ vnd jr Büchstab
des Teüffels sitz/ sieg/ vnd schwerdt/ ewig. Welche Wunderred aber
die <4^o> Welt nit würt glauben/ biß sie ain mal zù spatt würt erfahren.

Der Büchstab
der Schrifft des
Antichrists
schwerdt/ sieg
vnd stül.

Aus disem folgt/ das der Büchstab vnd Grammatisch sinn/ der
Schrifft auch nit der Probstain/ vnd goldtwag der gaister sein kan/
sonder der selben gaist/ sinn/ außlegung/ vnnd verstandt/ ist allain/
wie Gottes Wort/ also allain die prob der gaister. Der Büchstab aber
dagegen ain gewiß zaichen vnd hoffarb des Antichrists/ vnd ain
rechter Silenus Alcibiadis/ wie jn Erasmus nent.

Demnach weil der Büchstab der Schrifft gespalten/ vnd mit jm selbs vneins ist/ kommen alle Sect darauß/ Der sticht den todten Büchstaben da an/ Diser dort. Der verstädt jn/ wie er da laut/ Jhener wie er dort klingt. Nu sindt gewiß all Secten aus dem Teüffel/ vnd ain frucht des flaisch/ Gala .5. an zeit/ statt/ person/ gesatz/ vnd Element gebunden. Allain das frei/ onsectisch/ onparteisch Christenthum/ das an der ding kains gebunden ist/ sonder frei im gaist/ auff Gottes wort stehet/ vnd mit glauben/ vnd nit mit augen begrieffen vnd gesehen kan werden/ ist auß Gott/ Deren frumbkait weder an Sect/ zeit/ statt/ gesatz/ person/ vnd Element gebunden ist. Weil nu biß ans end/ güt vnd bäß/ inn ainem netz vnd acker diser welt/ bei ainander sein werden/ Math .13. vnd Jerusalem mitten vnder den Hayden zurstreüt soll ligen/ Lu .21. Halt ich von kainer sunderung vnd Sect nichts. Ein jeder kan für sich selbs wol frumb sein wo er ist/ darff nit eben hin vnd her lauffen/ ain sondere Sect/ Tauff/ Kirchen/ suchen/ anrichten/ vnd auff ain hauffen sehen/ vnd seinem anhang zü lieb glauben/ frumb sein/ vnd zü dienst heüchlen.

Die weil aber der bösen alweg mer sindt/ dann der frummen/ Ja das zurstreüt Israel vnder den Hayden vmbfåret/ wie ain klains überigs häufflin waitz/ auff ainem vnkrautigen Acker/ oder hauffen spreuer/ würt ain ieder das creutz wol bekommen/ von seinem Nachbawren/ Weib/ vnd Kind/ das er dann vmb Gottes willen leiden soll/ biß man jn nimmer leiden wil/ Math .10. Die Kirch vnd das Creutz der Hayden ist allenthalb/ darff jn nit erst von weib vnd kind in frembde land nach lauffen/ oder vil mer zü den seinen flihen/ vnd also dem creutz empflihen. Ich kan auch kainer neüen/ sonderen Kirchen/ berüffs/ Tauffs/ sendung des H. gaists/ mer (wie vil täglich) warten/ weil ich waiß/ das Christus nit täglich ain neües anfahet. Item/ das die Kirch auff den Felßen Christum gebawen/ biß her auch mitten vnder den feinden/ vnd Hayden bestanden ist/ wi<5>der alle Porten der Hellen/ Math .16. vnd was eüsserlich den schlüsseln/ Sacramenten/ etc. ist abgangen/ vnd mißbraucht worden/ vnd noch abgehet/ das der H. gaist an den seinen nicht hat verseumpt/ vnd die innerlich im gaist vnd der Warhait gebraucht/ erstatt/ vnd die seinen mitten in Babylone getäufft/ gelert/ mit dem leib Christi gespeißt/ vnd absoluiert/ in jren gewissen vnd hertzen/ in aller welt/ wie er auch vnder allen völckern/ dem zurstreüeten/ gefangen Israel thün würt/ biß anß end. Weil die Kirch nit etwan ain sonderer hauff/ vnd fingerzaige Sect ist/ an Element/ zeit/ per-

Ketzerei ausz
dem Büchstaben
der Schrifft.

Christ würt on
verfolgung nit
sein/ sei wo er
wöll.

Kirch was?

son/ vnd statt gebunden/ sonder ain gaistlicher onsichtbarer leib/
 aller glieder Christi/ aus gott geborn/ vnd in ainem sinn/ gaist/ vnd
 glauben/ aber nit in ainer statt/ oder etwa an ainem ort eüsserlich
 versamlet/ das man sie sehen/ vnd mit fingern möge zaigen/ sonder
 die wir glauben/ vnd nit sehen/ dann mit gleich gaistlichen augen
 des gemüts/ vnd innern menschens/ Nämlich/ die versamlung vnd
 gemain aller recht gots frummen vnd gúthertzigen/ neuer menschen/
 in aller Welt/ durch den Hailigen gaist/ in dem fried Gottes/ mit
 dem band der lieb zusamen gürt/ ausser deren kain hail/ Christus/
 Gott/ verstandt der Schrifft/ H. gaist/ noch Euangeliun ist.

In vnd bei diser bin ich/ zü der sene ich mich/ in meinem gaist/
 wo sie zurstreüt vnder den Haiden/ vnd vnkraut vmbfåret/ vnd
 glauben dise gemainschafft der Hailigen/ kans aber nit zaigen/ bin
 aber gewiß/ das ich in der Kirchen bin/ sei wo ich wöll/ such sie
 derhalb/ wie auch Christum/ weder hie noch dort. Dann ich waiß
 nit eben/ welchs stain an disem Tempel/ vnd korn auff dem acker
 sindt/ die kent Got allain/ darumb er auch die sonderung allain
 sein Engelen befolhen hat/ die Schaf von Böcken/ das vnkraut vom
 waitzen zü schaiden/ vnd nit vns/ wie wol die lieb der zeüg/ loß/
 hoffarb/ vnd zeügfinger ist/ darbei man ainen Christen Man erkent/
 wie bei den früchten den Baum/ Joan .13. so bringt doch die glei-
 senerei so schön frucht/ das wir offt im vrtail betrogen werden/
 Math .7.13. Gott waiß aber am basten welche sein sind/ vnd stain an
 disen Tempel. 2.Tim .2. Ich bin von Gottes gnaden/ nit so parteisch
 vnd Sectisch/ das ich nit ain jeden mein brüder/ flaisch vnd blüt
 acht/ der mich darf acht/ vnnd sich nit von mir trent/ Ja der
 nach Gott eiffert vnd fragt/ gericht vnd gerechtigkeit wirckt/ oder
 wie Petrus/ aus erfahrung sagt/ der got förcht vnd recht thüt/ in der
 gantzen welt/ Auch die aus schwach^shait (vnd nit freuentlich wi-
 der den Hailigen gaist zum todt) etwan irren/ anfaren/ vnd sünden.
 Gewiß das der Gott angenem ist/ dem Herrn fält/ aufferstehet/ vnd
 ain glied Christi ist/ In welchem ich auch mein felh/ als in meinem
 flaisch/ vnd ainem fürgestelten spiegel sihe/ vnd für den zü bitten/
 aber jn gar nit zü richten hab/ Rom .2.14.

Darumb wolt ich/ das vil jren thörichten eiffer/ so täglich Gott
 ain neu volck züuersamlen/ vnd ain neu Kirch auffzürichten sich
 vnderständ/ hinlegten/ vnd nit ehe dienten/ dann sie gedinget/
 inn die Erndt gedrungen würden. Vil hat onzeitiger eiffer außtrie-
 ben/ die zü letzt selbs bekent haben/ jren lauff vor der zeit/ vnd

berüff sein gewesen. Es solt jhe ainer des andern bürd vnd schwachait
tragen/ weil diß allain der lieb gegenwurff/ des gesetz füll/ der Chri-
sten zaichen/ vnd die höchst sterck ist/ Gala .6. Sihe Para. Alter alte-
rius onera portate/ weil auch die Vätter sind angefaren/ felh grieffen/

5 vnd niemandt on irthumb ist/ so gar das etlich auch die Aposteln
vnd Propheten/ etwa erlegen sein/ dörffen sagen. Wir haben all mit
Dauid fur vnser thorhait vnd onwissenheit zü bitten/ weil vns allen
noch vil abgehet/ Jaco .3. Ja weil wir all irren wie die Schaf on ain
Hirten/ vnd nit ain jeder irthumb verdamlich ist.

10 Nu dise Wunderred wil ich für ain eingang/ vnd vorred auff diß
Büch gestelt haben/ Vnnd diß mein Philosophei (so ich den recht
Gaistlichen zü vrtailen/ ob ich jrem hertzen/ mit stimb/ vnd ain
zeügnuß gebe/ frei auffopffer) stehet warlich also bei mir/ wie ich
15 onparteisch/ niemandt zü laid/ auch nit zü triumphieren (weil ich
waiß/ das der warhait sieg/ vor der welt im dreck ligen müß) sonder
jederman zü güt vnd lieb/ aus dem zeügnuß/ baide der Schrifft vnd
meines hertzens/ nach der maß meines gaists/ gelaß/ vnd glaubens/
wie es bei mir stehet/ geschrieben hab. Wir haben auch nit biß
20 oder stich gesucht/ sonder die Warhait/ vnd küniglich mittelstraß/
wie ain jeder/ auß dem fadem der red/ durchs Büch hinauß/ greif-
fen würt.

Ist jemandt gaistlich der erweg vnd erkenn/ was ich sag/ lesche
die Prophecei nit aus/ prüffe aber frei alles/ vnd das güt behalt
er. Wir solten forchtsam vnd sorgfältig vor vnserem Gott wandlen/
25 mit forcht vnnd zittern vnser hayl volbringen/ allen dingn baß
nachdencken/ zü Philosophieren in Got/ wie zü streitten/ nit auff=
hören/ von ainer clarhait in die anderen steigen/ täglich vnser vrtail
scherpf⁽⁶⁷⁾fen/ bessern/ vnd im erkantnuß Christi/ biß zum vol-
kommen Man wachßen vnd zunemen/ das nit der Nam Christi/
30 wie an vnser vilen/ verloren were. So faren wir so sicher daher/ als
seien wir schon über den graben/ vnd alles erfochten.

Diser schongaistlich/ gefärlich Teuffel/ Luce .11. Matth .12. so auß-
gefaren widerkert hat/ vnd vnser hauß gekert/ sicher/ in gaistlicher
hoffart/ schein der hailigkeit/ vnd aigen wolgefalen gefunden/ hat
35 mit Sieben ärger dann er ist/ wider einkeret/ also das das letzt
böser ist/ dann das erst/ vnnnd besser wer/ der erst grob Teüffel wer
nie außgefaren/ vnnnd der Mensch in offnen sünden stecken blieben/
Matth .21. dann also in ain falsch/ scheinbar/ heüchlerisch/ büßloß/
leben vnd frumbkait geratten.

Inhalt

Paradoxa	5
Register vnd inhalt aller Paradoxon (<i>B-Druck</i>)	375
<i>Verzeichnis der Paradoxa</i>	391
<i>Nachwort</i>	415
<i>A-Druck</i>	418
<i>B-Druck</i>	426
<i>C-Druck</i>	434
<i>D-Druck</i>	437
<i>Drucke nach Sebastian Francks Tod 1542</i>	469
<i>Übersetzungen der Paradoxa</i>	470